

ԼԻՈՆԱՀԱՅ ԵՐԻՏԱՍԱՐԴԻ ՈՒՆՏԱՎՈՐՆԵՐՈՒ ԱՅՑԸ ՄԱՅՐ ՀԱՅՐԵՆԻՔ

Քանի մը տարիներէն ի վեր գեղեցիկ ավանդություն դարձած է Սփյուռքի քանապան թեմերու պատկանող երիտասարդներու այցը Մայր Հայրենիք: Վերջին տասնամակի ընթացքին հարյուրավոր սփյուռքահայ երիտասարդներ, հատկապէս Ամերիկայի Սիացյալ Նահանգներէն և Մեզիքայէն, պատենությունը ունեցան այդ ուխտագնացությունը կատարելու իրենց նախնիքներու երկիրը: Հարկ է նշել այստեղ, որ այս գեղեցիկ ձեռնարկին անմիջական ջատագովն է ազգիս Վեհափառ Հայրապետը, որուն հայրական սերը և հոգատարությունը Սփյուռքի հայ երիտասարդներու հանդէպ մշտական է:

Այս տարի, Ամենայն Հայոց կաթողիկոսի բարեհաճ կարգադրությամբ և նախաձեռնությամբ Մայր Աթոռի երիտասարդ միաբան հոգեւորիկ Ս. Չատիկ արեղա Ավետիքյանի, քանոյս լիոնահայ երիտասարդներ հրավիրվեցան Մայր Աթոռ: Խումբը կիտնեն ճամփա ելալ հուլիս 9-ին և ուղղակի թռիչքով Երևան հասաւ: Այս ուղևորության կազմակերպչական բաժինը հանձն առած էր «Սևան» ճանապարհորդական ընկերության տնօրեն, լիոնահայ ծանոթ ազգային պարոն Վարուժան Սարգսյանը: Երիտասարդները անմիջապէս տեղավորվեցան Բյուրականի «Հայկաջէն» կաթողիկոսական ամառանոցը: Հուլիս 10-էն մինչև ամսվան վերջը կազմակերպվեցան հայերենի, երգի և պարի դասեր: Դասընթացքները տեղի ունեցան Երեւանի Սայաթ-Նովայի անվան երաժշտական դպրոցը, շնորհիվ Սփյուռքահայության հետ մշակութային կապի կոմիտեի նշանակած դասախոսներուն:

Երիտասարդները ամեն օր ունեցան կրթապտույտներ՝ Սևան, Դիլիջան, այցելեցին Էջմիածին քաղաքի վանքերը, Խոր-Վիրապի, Օշականի, Սաղմոսավանքի, Գեղարդի

դարավոր սրբավայրերը, ինչպէս նաև Սարդարապատի ու Երևանի պետական թանգարանները, Մաշտոցի անվան Մատենադարան և Ժամանակակից արվեստի կեդրոն: Մայր Աթոռի հյուրերը ներկա եղան քանապան մշակութային միջոցառումներու:

Հուլիս 12-ին խումբը պաշտոնապէս ընդունվեցաւ Վեհափառ Հայրապետի կողմէ: Երկրորդ հանդիպում մը տեղի ունեցաւ հուլիս 23-ին: Խումբի անունէն շնորհակալության խոսքեր ըրին Սահակ սարկավազ Սուքիասյան և օրիորդ Հերմինէ Տեմ: Օրիորդ Հերմինէ Տեմը առաջ.

«Չերդ Սրբություն,

Քաջ գիտենք, որ Ձեր ժամանակը շատ սուղ ըլլալով այսօրվա հանդիպումը մեծ պատիվ մըն է մեզի համար:

Մենք կիտնեն իսկ ըմբռնած էինք այս ուղևորության կարևորությունը և մեզի համար առաջվնէ մեծ ուրախություն մըն էր:

Շատ հաճախ սփյուռքահայերուս համար Հայաստանը հին պատմություն և երազանք է միայն ու մեր միակ կապը մեր անցյալին հետ մեր Եկեղեցին է: Այսօր մեզի համար Հայաստանը մարմնավորվեցաւ: Իր ժողովուրդը, իր բնությունը, մեր այցելած հուշարձանները զայն կենդանացուցին: Մենք ի մասնավորի շատ սիրեցինք Սուրբ Գեղարդը, այն հանդարտ, ժայռափոր վանքը, ուր ամեն ինչ բնականորեն պարզ է և միաժամանակ հոյակապ ու վեհ:

Ամենակարևորը մեզի համար եղավ, որ մենք Սուրբ Էջմիածնով ապրեցանք ու մեր սրբավայրին հետ առտիճանաբար ամբողջապէս մտերմացանք:

Բառերը կապակախ, Վեհափառ Տեմ, մեր երախտագիտությունը արտահայտելու այն բանին համար, որ շնորհիվ Ձեզի, մենք կարողացանք մեր նախնիքներու հողին հետ

հաղորդվի: Թույլ տվեք, Վեհափառ Տեր, որ որչ խումբին անունով Ձեր սուրբ աջը համբուրեն և ստանան Ձերդ Սրբության հայրական օրհնությունները»:

Հանդիպումին ժամանակ երիտասարդ և տաղանդավոր նկարիչ Ռեմի Սիրոբը իր գործերեն մեկը նվիրեց Վեհափառ Հայրապետին: Գործը անվանված է «Նորվան սրբազան և Չատիկ արեղա»:

Քանի մը օր հետո, հուլիս 29-ին, տեղի ունեցավ Սփյուռքահայության հետ մշակութային կապի կոմիտեի կապակերպած ընդունելությունը: Հանդիպությունը կվարեր կոմիտեի նախագահ պարոն Կառլեն Դալյաթյանը: Պարոն նախագահը բարի գալուստի քանի մը խոսքերե վերջ ներկայացուց հայրենի կառավարության ծրագրերը երկու հազար թվականին համար, որոնք պարզ ցույց կուտան, թե ինչ նորանոր նվաճումներ պիտի արձանագրե Հայրենիքը ապագային: Հանդիպումին ավարտին յուրաքանչյուր երիտասարդ ստացավ հուշանվերներ պարունակող փոքրիկ ծրար մը: Խումբին անունով շնորհակալության խոսք արտասանեց հոգեշնորհ Տ. Չատիկ արեղան, որ արտահայտեց խումբի անդամներուն մեծ տպավորությունները Հայրենիքեն, որ անոնք ավելի հայ պզգջին իրենք պիտենք և հայկական առողջ ոգիով պորացած կվերադառնան տուն:


Խումբին վերջին այցելությունը Մայր Աթոռ եղավ հուլիս 29-ին: Վեհափառ Հայրապետը բացակա ըլլալով, լիոնահայ երիտասարդներուն ընդունեց գերաշնորհ Տ. Սիոն արքեպիսկոպոս Մանուկյան: Այս առթիվ Ֆրանսայեն բերված բյուրեղապակե արծիվ մը հանձնվեցավ Սիոն սրբազանին: Սրբազան հայրը Վեհափառ Հայրապետի կողմն շնորհակալություն հայտնեց այս նվերին համար ու բարի ճանապարհ մաղթելե վերջ կոչ ըրավ երիտասարդ ուխտավորներուն, որ պետսի չմոռնան Մայր Հայրենիքը և հաճախ այցելեն իրենց նախնիքներուն երկիրը:

Հաջորդ օրը, վաղ առավոտյան, «Զվարթնոց»-ի օդանավակայանը, սուրբ Արարատի լանջերուն տակ լիոնահայ ուխտավորները դիոյի նվազակցությամբ իրենց հրածեշտի քոչարին պարեցին հայրենի երկինքի տակ:

Հուլիս 30-են օգոստոս 4 խումբը եղավ Լենինգրադ և Մոսկվա: Ֆրանսահայ երիտասարդները այցելեցին պույգ քաղաքներու տեսարժան վայրերը, ինչպես նաև տեղւոյն հայկական եկեղեցիներ:

Օգոստոս 4-ին խումբը վերադարձավ Ֆրանսա, իր հետ բերելով «Արարատի ձուներեն, Սևանա ջուրեն և ափ մը Էջմիածնի սուրբ հողեն»:

ՍԱՀԱԿ ՍՐԿ. ՍՈՒՔԻԱՅԱՆ





ՎԵՎՈՒՄ ԿԱՅՐԱՊԵՏԸ ՄԱՅՐ ԱԹՈՒՄ ԿՐԱՎԵՐՈՎ ԼԻՈՆԻՅ ՄԱՅՐ ԿԱՅՐԵՆԻՔ ԱՅՅԵԼԱԾ ՈՒՍԱՆՈՂՆԵՐԻ ԿԵՏ